



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De sacra Cœna 66

urn:nbn:de:hbz:466:1-34315

Vicesima tertia Accusatio.

*De S. Cœna Domini.**De Transsubstantiatione.**De Reformatione Sacramentorum.*

C A P. L X V I .

Hec accusatio instituta est de S. Cœna, sacramento corporis & sanguinis Domini nostri Iesu Christi. Continetur autem octo capitibus.

Quorum primum est, de Transsubstantiatione, hoc est, transmutatione seu conuersione panis & vini in corpus & sanguinem Domini nostri Iesu Christi. In quo Aduersarij librum Reformationis accusant, ponentem, Nos communicationem corporis & sanguinis Christi cum pane & vino percipere. Et dicunt librum velle, quod in hoc Sacramento generum diuerlorum res due nobis: Una, Panis & vinum: altera, Corpus & sanguis Domini nostri Iesu. In contraria partem conantur ipsi probare, & testimonii Scripturæ, & auctoritate Patrum, quod in S. Cœna post Consecrationem factam non amplius sit panis & vinum, sicut ante consecrationem fuit.

Defensio libri Reformationis ex verbo Dei.

Veris Christianis indubitatum est, Omnibus in rebus verbo Dei quam simplicissime credendum esse, iuxta illud & loquendum, & agendum. Iam testatur verbum Dei Domini discipulis suis benedictum ac fractum panem dedisse, sic etiam calicem, ac dixisse, *Hoc est corpus meum, hic est sanguis meus.* Ex quibus verbis Spiritus sanctus per Paulum inquit 1. Cor. 11. ita quisquis ederit panem hunc, aut biberit de poculo Domini. Ad eundem modum loquitur, 1. Cor. 10. *Panis quem frangimus, nonne communicatio corporis Christi est?* Quo in loco rursus expresse Panis nominatur tanquam signum: & communicatio corporis Christi, tanquam id quod hoc signo traditur ac percipitur. Eandem loquendi consuetudinem imitatur liber Reformationis, in eo quod fatetur: & communicatio corporis Christi, tanquam id quod signo traditur ac percipitur. Eandem loquendi consuetudinem imitatur liber Reformationis, in eo quod fatetur, duas res in S. Cœna dari & accipi, Visibilem nempe, panem & vinum: & inuisibilem, Corpus & sanguinem Domini. Recte igitur & cum Scriptura consentaneè loquitur liber.

Solutio obirctionis deductæ ex S. literis.

Contra hanc doctrinam nihil aliud adducunt Aduersarij ex S. literis, quam hæc verbi Domini, *Hoc est corpus meum, &c.* & aiunt, Dominum non dixisse, *Hic est panis, & vinum,* aut, Cum ipsis vel sub ipsis est corpus & sanguis meus, sed, *Hoc est corpus meum, hic est sanguis meus.*

Responsio.